

Kannen er inour d'en Intron Varia à Voulogn

Ton : *Keluen*

DISKAN

*Intron Santél à Voulogn, o Mam a Vadeleh,
Deit omp amen d'hou kuélet get er brasan hireh,
Taulét ar n'omp, ni hou ped, ur sel lan a druh,
Ha reit d'hor bro maleurus er peah, er leuné.*



I

E' tont endro de Voulogn, hou limaj, Mam de Zoué,
En dréz er vro pen d'er ben én ur streuein er joé,
En ur strèuein grèseù kaer a berh hou Mab Jézus
Hag é lakat é pep leh en dud de vout eurus.

II

Rak hui é'za devat omp én hou limaj santél
Hui e huélamp é tremén ar henteù Breih-Izel
Hui, Mam hon Salvér Jézus, Rouannéz en Néan, en doar,
Hag é kalon pep unan éh es ur joé hemp par.

III

Memp er yugalé viban ar divreh ou Mammeù
Deit eué d'hou saludein, a bep tu d'en henteù
A p'hou kuélant e tigoeh, O Mam santél Jézus
E asten ou dornigeù get ur min hoarh joéius.

IV

Gouiet e hramp, O Mari, de vro Frans, hor bro kéh
Liés e hues guéharal diskoeit hou madeleh ;
Liés e hues ar hé doar dichennet ag en Néan
Aveit Strèuein ar nehé er grèseù pinhuikan.

V

Nen dès Allas ! en hor bro meit poèn ha Melkoni
El er bléieu treménét, O Mam, sekouret ni ;
Rak ne huès ket ankouéheit eh omp ni, Fransizion
Eh omp a houdé guerso édan hou koarnasion.

VI

El ma lar d'emp en histoèr, open trihant vlé zo,
Doh hui er roué Loeiz trizek en dès gloestret hor bro.
Hui é enta hé Rouannez, hé Fatromez karet,
Get fians é laramp d'oh : Mari, hon secouret.

VII

Groeit ma tei er Fransizion endro devat ou Doué
Ha ma hélieint perpet lézen er garanté,
Nezé en hor bro abeh én amzér de zonet,
Ne vot meit peah, leuiné, ne vo meit eurusted.

VIII

Trugeré d'oh, Intron vat, e laramp a galon,
Rak ma hoh deit devat omp betag ér vro breton.
Ag en déieù eurus men ur chonj lan a zoustér
Genemp é bro Breih-Izel e chomo pèl amzér.

IX

Amen én hor bro kristen a huerso vras é ma
Genemp karet, inouret hou Mam Santéz Anna ;
Mès er Vretoned eué doh hui, Mam hon Salvér
En des diskoeit a viskoah ur garanté tinér.

X

En Arvor hag én Argoed na kaéret chapélieù
E zo bet én inour d'oh sauet get hon tadeù !
Mercheù splann, o Guerhiez glan, hag e hra d'emp laret
Eh oèh karet guéharal é bro er Vretoned.

XI

El hon tadeù ni eué, ni hou kar, o Mari.
Dirak hou limaj santél hiniù eurus omp ni !
Reit d'emp er hrès d'hou karein épad ol hon buhé
Aveit ma hou karémp ér Baradouéz un dé.

E. S.

Mat de vout mollet

E Guénéd, en 9 a viz mé 1944

CH. ER BARON V. B.